

## Termet e Referencës

<b>Organizata</b>	HANDIKOS (Shoqata e Paraplegjikëve dhe e Paralizës së Fëmijëve të Kosovës)
<b>Qëllimi i Angazhimit</b>	Fasilitimi i punëtorisë përmbyllëse të projektit me qëllim të identifikimit të mësimëve të nxëna dhe nxjerrjes së rekomandimeve
<b>Data e publikimit</b>	13/12/2021
<b>Data e mbylljes</b>	17/12/2021
<b>Data e vlerësimit të ofertave</b>	20/12/2021
<b>Lloji i konsulencës</b>	Individuale/Kompani
<b>Kohëzgjatja e konsulencës</b>	Dhjetor 2021
<b>Raporton tek</b>	Koordinatori/ja i/e projektit
<b>Adresa</b>	Rr. "Nekibe Kelmendi", 10000, Veternik, Prishtinë
<b>Email</b>	<a href="mailto:handikos@handi-kos.org">handikos@handi-kos.org</a>

### HANDIKOS

HANDIKOS, është organizatë jo qeveritare, e themeluar më 1983 me objektivin kryesor për të arritur njohjen dhe pjesëmarrjen e plotë të personave me aftësi të kufizuara në shoqëri. HANDIKOS aktivisht lobon dhe mbron në nivel lokal dhe qendror të drejtat e personave me aftësi të kufizuara me dhe për personat me aftësi të kufizuara në Kosovë. Përgjatë gjithë përvojës së saj, HANDIKOS ka përfaqësuar dhe adresuar nevojat e fëmijëve dhe të rriturve me aftësi të kufizuara përmes ofrimit të shërbimeve rehabilituese fizikale dhe atyre psiko-sociale, për më tepër përmes ofrimit të pajisjeve ndihmëse për ata në nevojë.

HANDIKOS vazhdon të punoj me dhe për personat me aftësi të kufizuara, duke ngritur kapacitetet e anëtarëve të saj në fusha të ndryshme të cilat shpjen drejt jetesës së pavarur.

HANDIKOS, nga viti 2017 është duke implementuar projektin "Promovimi i parandalimit të dhunës në të gjitha mjediset ndaj fëmijëve me aftësi të kufizuara në Kosovë" në partneritet me Save the Children, zyra në Kosovë dhe me financim të SIDA, me qëllim të ndërtimit të një ambienti më të sigurt dhe gjithëpërfshirës për fëmijët me aftësi të kufizuara në Kosovë.

*Përmirësimi i cilësisë së politikave dhe praktikave të sistemeve gjithëpërfshirëse të mbrojtjes së fëmijëve dhe rritja e vetëdijes dhe bashkëveprimet ndër-sektorial ndërmjet komunitetit dhe ofruesve të shërbimeve për të parandaluar dhe përgjigjur rasteve të dhunës në të gjitha mjediset në Kosovë; dhe Promovimi i përgjegjësisë sociale e orientuar tek fëmijët si dhe pjesëmarrja e fëmijëve për përmirësimin e gjithëpërfshirjes së fëmijëve me aftësi të kufizuara si dhe në ofrimin e shërbimeve profesionale dhe adekuate për ta, janë dy objektivat kryesorë në kuadër të këtij projekti.*

### **Qëllimi i përgjithshëm i konsulencës**

Si organizata më e madhe e personave me aftësi të kufizuara në Kosovë, HANDIKOS është vazhdimisht në proces të ngritjes së kapaciteteve të organizatës, në mënyrë që të ofrojë shërbime cilësore dhe të sigurta për personat me aftësi të kufizuara, por në të njëjtën kohë të sigurojë transparencë ndaj donatorëve dhe qëndrueshmëri të organizatës. Partneriteti i HANDIKOS me Save the Children në kuadër të projektit “Promovimi i parandalimit të dhunës ndaj fëmijëve me aftësi të kufizuara në të gjitha mjediset në Kosovë” ka mbështetur tutje ngritjen e kapaciteteve të organizatës sonë nga viti 2017 e deri më tani, për 5 vite me radhë.

Me qëllim të shtrirjes së rezultateve të projektit në gjithë organizatën duke identifikuar mësimet e nxëna si dhe nxjerrur rekomandimet për përmirësim, HANDIKOS po kërkon një ekspert/kompani i/e cili/a do jetë përgjegjës/e për fasilimin e punëtorisë dy ditore me stafin e HANDIKOS si dhe përpilimin e një raporti përmbledhës i cili pasqyron mësimet e nxëna si dhe ofron rekomandime për përmirësim të mëtutjeshëm.

### **Detyrat dhe përgjegjësitë:**

- Analizimi i materialeve ekzistuese (Dhjetor 2021)
- Fasilitimi i punëtorisë dy-ditore me stafin e HANDIKOS (24&25 Dhjetor 2021- 2 ditë)
- Përgatitja e raportit me mësimet e nxëna dhe rekomandime (28 Dhjetor 2021)

### **Kohëzgjatja dhe pritjet**

Konsulenca është planifikuar të fillojë më 22 Dhjetor 2021 deri më 30 Dhjetor 2021 me një angazhim prej tre (3) ditë pune. Nga eksperti/kompania pritjet që të jetë i qasshëm për fasilitim të punëtorisë përgjatë datave 24 & 25 Dhjetor në Tiranë, si dhe të dërgoj raportin final jo më larg se data 28 Dhjetor.

### **Pagesa**

Pagesa për ekspertin/kompaninë do të bëhet pas përfundimit të përgjegjësive të kontraktuara.

### **Kualifikimet dhe eksperiencia**

Eksperti/kompania duhet të ketë:

- Diplomë Universitare në shkencë sociale, juridik apo fushë të ngjashme;
- Përvojë paraprake në nxjerrjen e mësimëve të nxëna dhe ofrim të rekomandimeve;
- Ekspertizë në fasilitim të punëtorive;
- Njohuri mbi funksionimin e OJQ-ve;
- Njohuri të çështjes së aftësisë së kufizuar në kontekstin vendor;
- Shkathësi të larta hulumtuese në identifikimin e praktikave/modeleve të cilat përdoren në rajon dhe botë në këtë fushë;
- Shkathësi ndërpersonale dhe të komunikimit;
- Ndjeshmëri ndaj kontekstit dhe situatave të ndryshme me qasje të hapur ndaj diversitetit;

### **Negocimi**

HANDIKOS rezervon të drejtën për të negociuar përgjatë procesit të vlerësimit të ofertave dhe përzgjedhjes së ofertuesit.

### **Aplikuesit duhet të dorëzojnë**

- Një draft propozim mbi metodologjinë e punës për këtë angazhim;
- Koston financiare të kalkuluar për ditët e angazhimit (pa TVSH në rastet kur aplikanti është kompani);
- Curriculum Vitae (CV);
- Certifikatën mbi gjendjen penale (pas përzgjedhjes);
- Certifikatën e Regjistrimit të biznesit (vetëm për kompani);
- Vërtetimin tatimor nga ATK (pas përzgjedhjes/vetëm për kompani)

### **Procedurat e aplikimit dhe selektimi**

Aplikacionet duhet të dorëzohen në formë elektronike në [handikos@handi-kos.org](mailto:handikos@handi-kos.org) me subjektin *HK\_LE*, apo fizikisht të vendosura në zarf me mbishkrimin “HK\_LE”, në zyrat e HANDIKOS në Rr. “Nekibe Kelmendi”, Veternik, Prishtinë, deri më datë **17/12/2021**.

Eksperti/kompania do të përzgjidhet bazuar në përvojën paraprake relevante me fushën, aftësitë individuale dhe argumentuese për pozitën në fjalë, metodologjinë e propozuar si dhe arsyeshmërinë financiare.

*Vetëm kandidatët e listës së ngushtë do të kontaktohen. Gjatë gjithë procesit nuk ofrohen informata me telefon.*

HANDIKOS trajton Politikën për Mbrojtjen e Fëmijëve si një dokument me rëndësi të madhe dhe angazhohet për procedura rigorozë për të siguruar që i gjithë personeli dhe programet tona të jenë

të sigurta për fëmijët. Si rrjedhojë, të gjithë kandidatët do të jenë subjekt i kontrolleve rigoroze të historisë paraprake.

HANDIKOS është e përkushtuar në promovim të diversitetit. Personat me aftësi të kufizuara; personat e komuniteteve etnike apo religjioze minoritare, si dhe personat me HIV inkurajohen të aplikojnë.